

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Oeconomia Rvralis Et Domestica. Das ist: Ein sehr
Nützliches Allgemeines Hauß-Buch vnd kurtze
Beschreibung vom Haushalten, Wein-, Acker-, Garten-,
Blumen- und Feldbaw ...**

Coler, Johann

Mayntz, 1672

Privilegium

urn:nbn:de:bsz:31-101225



PRIVILEGIUM.

Sir Ferdinand/ der Dritte von Gottes Gnaden/ Erwählter Römischer Kayser/ zu allen Zeiten/ Mehrer des Reichs/ in Germanien/ zu Hungarn/ Böhheim/ Dalmatien/ Croatien vnd Slavonien/ zc. König/ Erzhertzog zu Oesterreich/ Herzog zu Burgund/ Steyer/ Kärnten/ Crain/ vnd Württemberg/ zc. Graffe zu Tyrol/ zc. Bekennen öffentlich mit diesem Brieff/ vnd thun kund allermänniglich/ das vns vnser/ vnd des Reichs lieber Getreuer Nicolaus Heyll/ Churfürst. Rättsrathlicher Hoff/ vnd Universität Buchdrucker gehorsamst fürbracht was massen Er ein sehr nütliches Buch Oeconomia Ruralis & Domestica, so hievor zwar von M. JOHANNE COLERO beschrieben/ jeto aber etlicher massen corrigirt, verbessert/ vnd in eine neue Form gebracht/ vmbzutrucken willens seye/ das mit aber ihme solches von andern zu ihrem Nus vnd seinem Schaden nicht nachgetruckt werde. Als hat er vns vmb vnser Kayf. Impressorium in Vnterthänigkeit angeruffen vnd gebetten/ das haben wir angesehen obbesagtes Nicolai Heylls gehorsambstes billich/ vnd zimliches Bitten/ vnd Ihme darumb mit wolbedachtem Muth/ gutem Rath/ vnd rechtem wissen/ diese besondere Genad gethan vnd Freiheit gegeben. Thun solches hiemit öffentlich vnd wissentlich in Krafft diß Brieffs/ Also vnd dergestalt/ das Er Nicolaus Heyll obangedeutes Buch in offenen Truct außgehen lassen/ vnd Ihme oder seinen Erben dasselbe innerhalb sechs Jahren vnd dato anzureiten/ von Niemand wer der sey/ an keinem Ort/ weder in kleiner noch grösser Form/ vnter was gesuchtem Schein/ das immer geschehen möchte/ nicht nachgetruckt/ noch also nachgetruckter distrahirt/ seyl gehabt/ oder verkaufft werden solle/ Er habe sich dann zuvor mit mehr gedachtem Nicolaus Heyll/ oder seinen Erben/ nach Billigkeit verglichen/ oder deswegen Bewilligung vnd Erlaubnuß erlangt/ vnd gebietten darauff allen vnd jeden vnsern vnd des Reichs/ auch vnserer Erbkrönigreich/ Fürstenthum/ vnd Lande/ nachgesetzten Obrigkeiten/ Vnterthanen getreuen/ insonderheit aber allen Buchdruckern/ Buchhändlern vnd Buchverkauffern/ bey Vermeidung zehen Mark löthiges Goltes/ halb in vnser Kayf. Cammer vnd den andern halben Theil besagtem Nicolao Heyll/ oder seinen Erben vnnachlässlich zu bezahlen/ hiemit ernstlich gebietend/ vnd wollen/ das ihr noch einiger auß euch selbst/ oder jemand von ewerwegen obangeregtes Buch/ in den bestimpten sechs Jahren nicht nachtrucket/ noch als getruckter distrahiret/ seil habet/ vmbtraget noch verkauffet/ noch das andern zu thun gestatten/ in keine weis/ alles bey Vermeidung vnserer Kayf. Vngnad auch obbesagter Pöen/ vnd Verlierung desselben ewres Tructs/ den vnterbesagter Heyll/ mit Hülff vnd Zuthun eines jeden Orts Obrigkeit/ wosie der gleichen bey ewer jedem finden würden/ auß eigenem Gewalt/ zu sich nemen/ vnd damit nach ihrem Gefallen handeln vnd thun mögen/ daran sie auch nicht geirret haben sollen/ doch solle vielbemelter Nicolaus Heyll von obspecificirtem Buch vier Exemplaria zu vnserer Reichs-Cansley vnfähbarlich zu oberlieffern/ vnd ehe solches beschehen kein Exemplar zu verkauffen oder zu vergeben schuldig seyn/ mit Vrkund diß Brieffs besiegelt mit vnserm Kayf. auffgetruckten Secret Insiegel. Geben in vnserer Statt Wien den sechs vnd zwanzigsten Julij/ Sechzehnhundert vier vnd vierzig/ vnserer Reiche des Römischen im Achten/ des Hungarischen im Neunzehenden/ vnd des Böhmischem im Siebenzehenden.

Ferdinand/
Vt

(L.S.)

Ad Mandatum Sacrae
Cael. Majestatis
propria

Ferdinand Graf Ruck.

Wilhelm Schröder.